

# Sanskrit



Ovaj članak ili neki od njegovih odlomaka nije dovoljno potkrijepljen izvorima (literatura, veb-sajtovi ili drugi izvori). Ako se pravilno ne potkrijepe pouzdanim izvorima, sporne rečenice i navodi mogli bi biti izbrisani. Pomozite Wikipediji tako što ćete navesti validne izvore putem referenci te nakon toga možete ukloniti ovaj šablon.

**Sanskrit** (संस्कृत, n., od *sam* "zajedno" i *krta* "napravljen", doslovno: "sastavljen", "sastavljeni jezik") je jezik kojim je napisana najranija indijska literatura, takozvane vede. Sanskrit igra značajnu ulogu u hinduizmu i pri tome je klasični jezik brahmana. Sanskrit je prvi sistematizirao gramatičar Panini u 4. vijeku p. n. e.

संस्कृतम्

Riječ "sanskrit" na devanagari pismu

Sanskrit je vjerovatno nastao oko 1200. godine p. n. e. Već nekoliko vijekova se za pisanje sanskrita koristi tzv. devangari pismo, mada su i neka lokalna pisma korištena za zapisivanje sanskrita. Sanskrit je danas najvećim dijelom "mrtvi" jezik, kao latinski ali je još uvijek u upotrebi kao sveti jezik Hindusa pošto su njihove svete knjige uglavnom napisane na ovom jeziku. Sanskrit osim toga i danas ima nezamjenjivu ulogu u vjerskim ceremonijama poput vjenčanja, sahrana itd.

Nekoliko riječi iz sanskrita (nekad i posredstvom drugih jezika) je našlo svoj put i u bosanski jezik: arijski, avatar, džungla, guru, joga, mandala, mantra, mošus, nirvana, svastika (kukasti krst), tantra.

## Historija

Sanskrit je najstariji indoarijski jezik. Iz sanskrita su se razvili moderni jezici hindi, urdu, bengali, marathi, kašmiri, punjabi, nepalski jezici i romani (romski jezik). Osim klasičnog sanskrita postoji i tzv. vedski sanskrit na kojem su napisane četiri svete hinduske vede.


## Struktura

Sanskrit pripada indijskoj grani indogermanske porodice jezika i time ima zajedničke korijene kao i većina modernih ili klasičnih evropskih jezika. Srodnost se najjednostavnije da pokazati kroz riječi za oca i majku: *matr* i *pitr* na sanskritu, *mater* i *pater* na latinskom, meter (μητηρ) i pater (πατηρ) na starogrčkom. Osim toga se lako da uočiti slična gramatička struktura svih indoevropskih jezika, sa rodnom, padežima, vremenima i modusima.

Sanskrit ima osam padeža: nominativ, vokativ, akuzativ, instrumental, dativ, ablativ, genitiv i lokativ. Osim jednine i množine, sanskrit ima i tzv. dvojину (kao npr. arapski).

## Također pogledajte

- Kalidasa

 Nedovršeni članak ***Sanskrt*** koji govori o **lingvistici** treba dopuniti. Dopunite ga (<https://bs.wikipedia.org/w/index.php?title=Sanskrt&action=edit>) prema pravilima Wikipedije.



Commons ima datoteke na temu: **Sanskrt** (<https://commons.wikimedia.org/wiki/Category:Sanskrt?uselang=bs>)

---

Preuzeto iz "<https://bs.wikipedia.org/w/index.php?title=Sanskrt&oldid=2997197>"

---

**Ova stranica je posljednji put izmijenjena na datum 19 maj 2019 u 10:58.**

Tekst je dostupan pod slobodnom licencom Autorstvo-Dijeliti pod istim uvjetima; mogu se primijeniti i dodatni uvjeti. Korištenjem ovog sajta slažete se s uvjetima korištenja i pravilima o privatnosti. Wikipedia® je zaštitni znak neprofitne organizacije Wikimedia Foundation, Inc.